



Aningaasaqarnermut Naalakkersuisoq

Ulloq: 9. september 2020

J.nr.: 01.31.06/20-00902

Aningaasaqarnermut Akileraartarnermullu Ataatsimiititaliap pingasunnornermi ulloq 19. august 2020-mi aalajangiineranik Naalakkersuisunut ilisimatitsineq.

Ilassutitut aningaasaliissutissanik qinnuteqaat: Konto pingaarneq 72.20.05 Ilaasunik angallassinermut tapiissutit aqqutigalugu COVID-19-ip atuunnerani Ittoqqortoormiinit timmisartuussineq. Suliaq nr. 01.31.06/20 – 00902.

”Naalakkersuisut **inassutigaa**:

- Ineqarnermut Attaveqaqatigiinnermullu Naalakkersuisoq Kitaaniit Islandimut nunneqqaarani Ittoqqortoormiinit timmisartuussisalernissaq pillugu Air Greenlandimut aamma Norlandair-imut isumaqatigiissuteqarnissamut piginnaatinneqassasoq, aamma
- kontomut pingaarnermut 72.20.05 Ilaasunik angallassinermut tapiissutit, oqaasertaliussamut nutaamut nr. 4-mut siunnersuut akuerineqassasoq, tak. ilanngussaq 2 ilaliunneqartoq.”

Aningaasaqarnermut akileraartarnermullu Ataatsimiititaliap oqaaseqaatai apeqqutaalu:

Aallarniutigalugu ataatsimiititaliamit oqaatigineqassaaq sulianik saqqummiussinerit unatut ittut siunertaq, imarisat, inassuteqaatinullu tunngavilersuutit pillugit erseqqilluinnartunik eqqoqqissaartunillu oqaasertalerneqarnissaat pingaaruteqarlunnarmat, peqatigitillugulu paatsoortoqaratarsinnaanerani minnerpaaffissamiititsisoqartariaqarmat.

Naalakkersuisut marlunnik inassuteqarsimapput, timmisartuussinermi peqataasunik avataaneersunik timmisartuussineq pillugu isumaqatigiissuteqarnissamik piginnaatinneqarnissamik qinnuteqartoqarluni.

Inassuteqaat siulleg:

Ineqarnermut Attaveqaqatigiinnermullu Naalakkersuisoq Kitaaniit Islandimut nunneqqaarani Ittoqqortoormiinit timmisartuussisalernissaq pillugu isumaqatigiissuteqarnissamut piginnaatinneqassasoq inassuteqaammi siullermi qinnutigineqarpoq.

Piginnaatitsissutit Aningaasaqarnermut Akileraartarnermullu Ataatsimiititaliamit akuersissutigineqartut nalinginnaasumik Naalakkersuisunut ataatsimoortunut atuutsinneqartarmata ataatsimiititaliamit eqqaasitsissutigineqassaaq. Tamatuma saniatigut ataatsimiititaliamit eqqaasitsissutigineqassaaq piginnaatitsissutit nalinginnaasumik oqaasertaliussanik, Naalakkersuisunit Aningaasaqarnermut Akileraartarnermullu Ataatsimiititaliamut akuersissutigisassanngorlugit nassiunneqartartunik ikkussinikkut tunniunneqartarmata.

Taamaamat Naalackersuisut oqaasertaliussamik, taamak ittumik isumaqatigiissuteqarnissamik Naalackersuisunut piginnaatitsisumik ilanngussinissamut inassuteqaammik nassiusseqqullugit ataatsimiititaliamit piunaffigineqarput.

Naalackersuisut inassuteqaataat kitaaniit Islandimut nunneqqaarani Ittoqqortoormiunut timmisartuussisalernissaq pillugu Air Greenlandimut aamma Norlandair-imut isumaqatigiissuteqarnissamut Ineqarnermut Attaveqatigiinnermullu Naalackersuisup piginnaatinneqarnissaanut tunngassuteqarpoq. Tamanna ilaatigut imatut Naalackersuisunit tunngavilersorneqarpoq:

”Maanna Kulusuup aamma Nerlerit Inaata akornanni timmisartuussinerit Peqqinnissamut Naalackersuisoqarfiimmit Corona konto, aammattaaq ajornartoornermi Imapik qulaallugu timmisartuussinernut isumaqatigiissutinut aningaasalersuinernut atorneqarsimasoq atorlugu akilerneqassapput. Sullissinerit taakku unitsikkiartuaarneqarmata, aamma Nerlerit Inaannut timmisartuussinernut isumaqatigiissutip Peqqissutsimut Naalackersuisoqarfiup oqartussaaffiinit peerneqarnissaa naapertuutissaaq. Tamatumani aamma angallavimmi peqqinnissaqarfiup saniatigut inuiaqatigiinni sullissiviit allat sullinneqarnerat eqqarsaatigineqarpoq. Sullissinermut akiliutit atuisut akiliuteqartalernerinut nuunneqassasut naatsorsuutigineqarpoq.”

Coronavirusimut (COVID-19) atatillugu peqqinnissaqarnermi immikkut ittumik iliuseqarnissamut ilassutissatut aningaasaliinissamut Naalackersuisut qinnuteqaataat. Aningaasqarnermut Akileraartarnermullu Ataatsimiititaliamit ulloq 25. marts 2020-mi akuersissutigineqarpoq. Ataatsimiititaliap suliaa nr. 01.31.06/20 – 00872

Suliaq taanna ajornartoornermi timmisartuussinissamut pisarialimmik aningaasaliissuteqarnissamut tunngavissiivoq.

Tassunga atatillugu kontumik pingaarnermik nutaamik oqaasertaliussamillu nutaamik ilanngussisoqarpoq, tamatumani Peqqissutsimut Naalackersuisoqarfiup ataani Corona pillugu konto, taamatuttaaq ajornartoornermi atlantiku qulaallugu timmisartuussineq pillugu Air Greenlandimik isumaqatigiissuteqarnermik aningaasaliisuusoq, aqputigalugu Kulusup Nerlerillu Inaata akornanni timmisartuussineq qulakkeerneqarluni.

Aaqqissuussinerup taassuma akisussaaffimmik allamut nuussiinnarluni ingerlateqqinneqarsinnaanera pitsaasuusinnaasutut ataatsimiititaliamit isumaqarfigineqarpoq. Taamaattorli ataatsimiititaliap isumaa malillugu oqaasertaliussamik nutaamik ilanngussisoqarnissaa tumatumunnga piunasaqaataavoq, taamak iliornikkut tunngavissiiusut inatsisikkut aalajangersagaanera oqaasertaliussatut ilusilikkamik suli qulakkeerneqarluni. Tamatuma saniatigut missingersuutinut ilanngussamik oqaasertamik aningaasaliinermi tunngavinnut tapertassamik ilanngussisoqassasoq ataatsimiititaliap isumaqarpoq.

Tamakkua saniatigut ataatsimiititaliap inaarutaasumik isumminnginnerani apeqqutinut arlalinnut akissuteqartoqarnissaa ataatsitaliamit kissaatigineqarpoq.

Apeqqut 1:

Peqataasunut avataaneersunut isumaqatigiissuteqarnissamut piginnaatitsinissaq pillugu aningaasaliissutissanut qinnuteqaateqartoqaraangat, piginnaatitsissutip oqaasertaliussatut ilusilerlugu tunniunneqartarnera nalinginnaasuvoq. Ukiup ingerlanerani oqaasertaliussamik ilanngussinerit malittuani ilassutitut aningaasaliissutissanut inatsisip paasiunartuunissaanut tapiutaasarput. Naalackersuisut suliamut matumunnga tunngatillugu

inassuteqaataasa siulliup, kontumut pingaarnermut 72.20.05-imut, ilaasunik angallas-
sinnermut tapiissutitut tunngasumut oqaasertaliussamik ilanngussinissamut tunngassu-
teqannginneranut suna tunngaviua?

Apeqqu 2:

Naalackersuisut konto pingaarnermut 72.20.05-imut aningaasaliinermi tunngavinnut
tapertassamik, ajornartoornermi timmisartuussinissaq pillugu oqaasertaliussamik ilan-
ngussinissaq pillugu inassuteqaammik nassiussisimannginnerannut suna tunngaviua?

Apeqqu 3:

Suliami matumani oqaasertaliussassatut kissaatigineqartoq, killilersuutaagallartut pissuti-
galugit timmisartuussinerup killeqarnerata nalaani Air Greenlandimik, Disko Linemik,
Arctic Umiaq Linemik kiisalu Norland-airimik imikkut ataasiakkaarlugit isumaqati-
giinniuteqarfiginissaannut Naalackersuisut piginnaatinneqarnissaannut tunngassuteqar-
poq. Oqaasertaliussamik taassuminnga siunertaq, siamasinnerusumik atuuffeqaraluarluni
inassuteqaat siulleq assigeqqissaangajappaa.

Piginnaatitsissutip qanoq atugassiisuteqartitsilluni qanorlu killiliffiusumik atorniarn-
qarsinnaanera pillugu Naalackersuisut maannangaq isumaliuteqareerpat. Matumani
pingaartumik nunatta karsianut atuisunullu aningaasaqarnikkut kingunissaasinnaasut
ataatsimiititaliamit isumaliutigineqarput. Angallassiffinnik aalajangersimasunik Naalak-
kersuisut isumaliuteqarpat, tassungalu atatillugu akit-, pitsaassutsit- qanorlu tikiku-
laaritiginissaq pillugit Naalackersuisut isumaliusersuuteqalereerpat.

Naalackersuisut oqaasertaliussaq nr. 4-mik ilanngussisoqarnissaanik qinnuteqaan-
nannginnerannut suna tunngaviua, taamaalilluni aamma kitaaniit Islandi aqqusaarnagu
Ittoqortoormiitut timmisartuussineq tassunga ilaatinneqalerluni?

Apeqqu 4:

2020-mut aningaasanut inatsimmi konto pingaarnermut 72.20.05-imut, ilaasunik angal-
lassinnermut tapiissutitut tunngasumi oqaasertaliussaq nr. 2 naapertorlugi Naalak-
kersuisut ilassutitut isumaqatigiissusiornissamut imaluunniit tapiissutitut tunngatillugu
isumaqatigiissutigineqarsimasunut piseqqaartussaataaeranut isumaqatigiissusiornissa-
mut kiisalu pisariaqassusia naapertorlugi matumunnga naapertuuttumik isumaqati-
giissutigineqarsimasunik aaqqiinissamut piginnaatinneqarput.

Suliamut matumunnga tunngatillugu oqaasertaliussap taaneqartup kingulliup Naalacker-
suisunit atorneqannginneranut suna tunngaviuva?

Aningaasaqarnikkut kingunissat pillugit Naalackersuisut nassuiaataat arlalinnik apeqqu-
qarnissamut tunngavissiipput. Naalackersuisut ilisimatitsipput Peqqissutisimut Naalacker-
suisoqarfiup ataani Corona pillugu konto, taamatuttaaq ajornartoornermi atlantiku qulaallu-
gu timmisartuussineq pillugu Air Greenlandimik isumaqatigiissuteqarnermik aninga-
saliisuusoq, aqutigalugu Kulusup Nerlerillu Inaata akornanni maanna timmisartuussineq
akilerneqartoq.

Apeqqu 5:

Peqqinnissaqarfiup taamatut timmisartuussinissamik pisiariaqartitsiunnaarsimanersoq ilisimatitsissutigineqassasoq ataatsimiititaliamit kissaatigineqarpoq?

Apeqquut 6:

Maannakkut timmisartuussinermi kiisalu ajornartoornermi timmisartuussinermi maannamut aningaasartuutaasimasut pillugit ilisimatinneqarnissaq ataatsimiititaliamit kissaatigineqarpoq. Aammattaaq timmisartuussiffiup ilaasunit qanoq amerlatigisunit atorneqarsimanagera pillugu paasitinneqarnissaq kissaatigineqarpoq.

Apeqquut 7:

Naalakkersuisut ilisimatitsipput angallavimmi peqqinnissaqarfiup saniatigut inuiaqatigiinni sullissiviit allat sullinneqartorujussuusut, sullissinermullu akiliutit atuisut akiliuteqartalerinerinut nuunneqassasut naatsorsuutigineqartoq.

Aningaasartuutit tamarmiusut ilaat qanoq annertutigisut peqqinnissaqarfiup saniatigut inuiaqatigiinni sullissiviit allat sullinneqarnerannut atorneqarnersut ilisimatitsissutigineqassasoq ataatsimiititaliamit kissaatigineqarpoq, kiisalu konto pingarneq sorleq aqquutigalugu taakku aningaasartuutigineqarsimanersut.

Apeqquut 8:

Timmisartuussiviup maannamut inunnit namminerisamik angalasunit qassinit atorneqarsimanageranik ilisimatinneqarnissaq ataatsimiititaliamit kissaatigineqarpoq, taamatullu siumut isigisumik qanoq atorneqartiginissaa Naalakkersuisunit naatsorsuutigineqarnersoq.

Apeqquut 9:

Naalakkersuisut ilisimatitsipput bilitsimut akigitinneqartussaq 10.000 kr.-iusussatut naatsorsorneqarsimasoq. Taamak naatsorsuinermut tunngaviusup ilisimatitsissutigineqarnissaa ataatsimiititaliamit kissaatigineqarpoq.

Apeqquut 10:

Naalakkersuisut ilisimatitsipput timmisartuussivik immikkut ittumik pilersitaasoq, taamaammallu kiffartuussinissamik isumaqatigiissutit tunngavigalugit timmisartuussinermut pioreersumut unammillertuunissaa pitsaasuunngitsaq.

Tassunga atatillugu soq konto pingarneq 72.20.05-ikkut, ilaasunik angallassinermut tapiissutinut tunngasukkut, ilaasunik angallassinermi kiffartuussinissamut isumaqatigiissutinut tunngassuteqartorpiakkut ilassutitut aningaasaliissuteqarnissamut qinnuteqartornera pillugu apeqquummut akissutisinissaa ataatsimiititaliamit kissaatigineqarpoq.

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut apeqquaqarluni Aningaasaqarnermut Akileraartarnermullu Ataatsimiititaliap Naalakkersuisut inassuteqaataannik isummerfiginninnissani **kinguartippaa**.

Inussiarnersumik inuulluaqqusillunga



Hermann Berthelsen

Aningaasaqarnermut Akileraartarnermullu Ataatsimiititaliap siulittaasua